



Inatsisartunut ilaasortaq Karl Lyberth, Siumut
Inatsisartut
/Maani

Nakkutiginninneq pikkorissartarnerillu pillugit § 37 naapertorlugu apeqqtinnut 2012-225-imut akissutit

Inatsisartut suleriaasianni § 37 naapertorlugu nakkutiginninneq pikkorissartarnerillu pillugit apeqquteqarputit. Apeqqutit uannut akisassanngorlugit innersuunneqarput.

19. oktober 2012
Sagsnr. 2012-075121
Dok. Nr. 1038382

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqqutit:

- 1. Sineriammi aalisakkanut suliffissuarni 2011-mi qanoq amerlatigisunik nakkutiginninnermik ingerlatsisoqarpa?**
- 2. Nakkutilliisunut aalisakkanullu tunisassiorfinni sulisunut 2011-mi qanoq amerlatigisunik pikkorissartitsisoqarpa?**

Akissutit:

1.-imut)

- Aallaqqaammut malugeqqussavara aalisakkanut suliffissuarnik nakkutiginninnermik ingerlatsisinnaaneq Nerisassanik tunisassiaqarnermut, Nunalerinermut Aalisarnermullu Ministeriaqarfimmit isumagineqartarmat (Danmarkimi Nerisassanik tunisassiaqarnermut Aqutsisoqarfik). KANUAANA suliffissuarnik tunitsivinnillu nakkutiginninneq ajorpoq, kisianni suliffissuarnut tunitsivinnullu aalisariutit tunisaanik nakkutilliisarluni.
- Aalisarnermut nakkutilliisugut ilinniartitaanerminnut atatillugu Nerisassanik tunisassionermut Aqutsisoqarfik aalisariutini eqqiluisaarneq pillugu nakkutilliinerani ikiuuttarput. Pilersaarutaavoq eqqiluisaarnermut misissuisarneq tamanna nakkutilliisut siunissami ingerlattalerumaaraat.
- 2011-mi tulaassinermi nakkutilliineq makkunani ingerlanneqarpoq: Upernavik, Kullorsuaq, Innaarsuit, Aappilattoq, Nuussuaq, Nutaarmiut, Tasiusaq, Upernavik Kujalleq, Kangersuatsiaq, Uummanaq, Niaqornat, Qaarsut, Ikerasak, Saattut, Ukkusissat, Illorsuit, Nuugaatsiaq, Ilulissat, Aasiaat, Qasigiannuguit, Kangaatsiaq, Saqqaq, Qeqertaq, Attu, Sisimiut,

Nuuk, Paamiut, Narsaq, Qasigiannugit, Arsuk, Qassimiut, Qaqortoq,
Ammassivik, Nanortalik, Alluitsup Paa, Eqalugaarsuit.

Tulaassinermi nakkutilliineq qulaani pineqartut ilaanni arlaleriarluni ingerlanneqarpoq. Tulaassinermi nakkutilliisut 2011-mi angallatit miiterit arfinillit qaangerlugit angissusillit 103-t, umiatsiaaqqat 64-it umiarsuillu tunitsiviit asartuutilluunniit pingasut nakkutilliiffigalugit ingerlatsipput.

2.-mut)

2011-mi KANUAANA-mi nakkutilliisunut sulisunullu pikkorissartitsinerit makka ingerlanneqarput.

	Ilinniagaqarneq 2011	
Nuummi ukiumoortumik isumasioqatigiinneq	Peqataasut 35-t	Tulaassinermi nakkutilliisut, alapernaarsuisut piniarnermilu nakkutilliisut peqataapput
Imarsiornermut raatiu-millu atuisinnaanermut uppersaatit	Peqataasut tallimat	Piniarnermut tulaassinermullu nakkutilliisut alapernaarsuisullu
KANUAANA-mi IT pillugu pikkorissarneq	Peqataasut arfineq-marluk	Tulaassinermi nakkutilliisut
KANUAANA-mi IT pillugu pikkorissarneq naliliinerlu	Peqataasut arfineq-marluk	Tulaassinermi nakkutilliisut
Danmarkimi ilinniagaqarneq (suliamik misiliiineq atuagarsornerlu)	Peqataasut arfineq-marluk, sap.ak. pingasunik sivistigisunik tallimariarluni ilinniarfimiinneq	Tulaassinermi nakkutilliisut

Tulaassinermi nakkutilliisut ilinniagaqarnerup 2014-mi februarip naanerani naammassinissaa naatsorsuutaavoq.

Naggataatigut malugeqquniarpara tunisassiorfinni sulisunik ilinniartitsineq APNN-imit GFLK-milluunniit suliasarineqanngimmat. Tunisassiorfinnik piginnittut tamanna nammineq isumagissarsaat.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisoq